

***Aalisarneq Piniarneq Nunaqarfíillu pillugit ataatsimiittitaliap naliginnaasumik 9. juni 2021-imi  
ataatsimiinnerata 02/2021 imaqtarniliornera***

Ataatsimiinneq ingerlanneqarpoq 9. juni 2021 aallartillunilu nal. 08.30.

Peqataasut:

***Atassut***

Anna Karen Hoffmann, Kangerlussuaq

***Inuit Ataqatigjuit***

Juliane Enoksen, *Malia L. R. sinniisussatut*

***Naleraq***

***Siumut***

Aqqalu Skifte, Maniitsoq  
Gideon Lyberth, Manitisoq

*Nalunaaqqaarani peqataanngitsoq*

Abel Enoksen, Sisimiut



**Ammasumik ataatsimiinnermi oqaluuserisassat:**

**Imm. 01      Oqaluuserisassat akuersissutigineri**

**Aningaasaqarnermut tunngasut**

**Imm. 02      2022-imut missingersuutinut ukiunullu missiliuuteqarfiusunut  
missingersuutinut kissaatit**

**Suliassat naliginnaasut**

**Imm. 03      Suleriaasissatut siunnersuut**

**Imm. 04      Itillimi Royal Greenland-ip tunisassiorfia pillugu siunnersuut**

**Imm. 05      2021-mi tammajuitsussarsiorluni piniarnermut atatillugu helikopterip  
mittarfissaanik qinnuteqaat**

**Paasissutissiissutit**

**Imm. 06      Paasissutissiissut – siulittaasup tusagassiutinut nalunaarutaa**

**Imm. 07      Tamalaat**



**Imm. 01 Oqaluuserisassat akuersissutigineri**

**Aalajangiineq**

Oqaluuserisassat akuersissutigineqarput.



**Imm. 02      2022-imut missingersuutinut ukiunullu missiliuiteqarfiusunut  
missingersuutinut kissaatit**

*Journalnr. 06.01.01*

**Tunuliaquaq**

2022-imut missingersuutinut ukiunullu missiliuiteqarfiusunut 2023-imiit 2024-mut piffissatut pilersaarut 2021-imi juunip aallaqqaataani Aningasaqarnermut ataatsimiittitaliap ataatsimiinnermini akuersissutigaa. Tamatuma imarivaa, missingersuutinut kissaatinik nuutsinissatullu siunnersuutinik (amerlanerpaamik 5-t) ataatsimiittitaliat kingusinnerpaamik juunip 28-ani nassiuissaqarsinnaasut, aammalu sipaarniutissatut siunnersuutinik killeqanngitsunik nassiuussinissamut periarfissaqarpoq.

**Maleruagassatigut tunngavissat**

Qeqqata Kommunianut karseqarnermut naatsorsuuserinerimullu malittarisassat  
2022-imut missingersuutinut ukiunullu missiliuiteqarfinnut piffissatut pilersaarut pingarneq.

**Pissutsit atuuttut**

Aalisarnermut, Piniarnermut Nunaqarfinnullu ataatsimiittitaliap akisussaaffeqarfiiinut tunngatillugu suleqatigiinnissamut isumaqatigiissut tullinnguuttunik qulequttanik imaqtarniliornera:

- A. Aalisarneq
- B. Piniartunik aalisartunillu tapersersuineq:
- C. Nunaqarfii

Allaffeqarfíup naliliinerata ataani sammisat immikkutaarlugit qulequttat taakku tulleriaarneqarput, taakkulu killiffigisinnaasaat allanneqarluni.

Ingerlatsinerup aammalu atuilluartuunissakkut suliniutit ataanni aalisartunik piniartunillu sullissinermik kiisalu akuersissutinik tunnisisarneq ukkatarineqarpoq.

**Atuilluartuunissakkut kingunerisinnaasai**

2022-imut missingersuutinut ukiunullu missiliuiteqarfiusunut politikkikkut anguniakkat missingersuutinullu kissaatit akornanni naapertuttoqarpat atuilluartuunerussaaq.

**Aningasaqarnikkut allaffissornikkullu kingunerisinnaasai**

Piffissamut pilersaarut naapertorlugu, 2021-imi juunip 28-aniit aggustip tungaanut ataatsimiittitaliat ataatsimiittarnerini, ataatsimiittalianit, partiinit nunaqarfinnilu aqutsisuniit siunnersuutit tiguneqarsimasunit kingunerisassat allaffeqarfíup misissussavai.

**Allaffeqarfíup naliliinera**

Allaffeqarfíup nalilerpaa, suleqatigiinnissamut isumaqatigiissummi ataatsimiittitaliap akisussaaffeqarfíata iluani sammisat tullinnguuttut immiutassaasut, sulinerup ingerlateqqinnejnarnerani ilanggutariaqartut:

- A. Aalisarneq:
  1. Qeqqata Kommuniani illoqarfínni nunaqarfinnilu tunnisisinnaanermut periarfissanik ingerlaavartumik qulakteerinnineq. Allaffeqarfík: Taanna aalisarnermut tapiisarnermut aamma aalisarnermut inuussutissarsiorsinnaanermut qinnuteqarluni nunaminertamik atugassinneqarnissamik aamma umiarsuarmik tunitsivilinissamik qinnuteqartunut ingerlaavartumik anguniagaavoq. Tunisineq eqqarsaatigalugu taanna kommunip akisussaaffiata avataaniippoq.
- B. Piniartunik aalisartunillu tapersersuineq:



1. Piniartut aalisartullu qanimut suleqatigalugit pissutsinik pitsangorsaaneq. Suliniut ingerlaavartoq.
2. Umiatsiaararsortunut puttasoqarneq, tinuttitarfeqarnerit assigisaalu pitsangorsarneqassapput.  
Allaffissorneq: Puttasunut Teknikkeqarnermut immikkoortortaqarfik akisussaasuovoq.
3. Atortunut inissiivissanut nunaminertanik pitsasunik nassaarnissaq qulakkeerinninnissarlu.  
Suliniut ingerlaavartoq
4. Tunitsivissanut periarfissat iluanni pitsangorsaatinik ingerlaavartumik nassaarneq.  
Allaffissorneq: Naalakkersuisunut allagaqartarnikkut politikkikkut tapersersuilluni uppernarsaanerit ingerlaavartut.
5. Piniagassat sabinngisamik amerlanerpaat aningaasanngortinnejqarsinnaanerat anguniarlugu kalaalimineerniarfimmi atortutigut qeritsiviit ilanngullugit pitsangorsaasoqassaaq.
6. Ukiuunerani umimmanniartarneq eqqarsaatigalugu susassaqartut tamarmik tusaaneqarnissaat inissaqartinneqarnissaallu pingaartinnejqassaaq.
7. Kangerlussuarmi sakkutuunngorniat ilinniarfeqalernissaat eqqarsaatigalugu piniariarfitt mianerineqarnissaat qulakkeerneqassaaq.

**C. Nunaqarfíit:**

Nunaqarfínnut ataatsimiittitaliaq pilersinneqartoq peqatigalugu aammalu nunaqarfíit allaffiini sullissisut pigifnnangorsarnerisigut nunaqarfínni innuttaasunut sullissineq pisariillisarneqarlunilu nukitorsarneqassaaq.

Nunaqarfínnut susassaqartitsinerit annertusarniarlugit aningaasaliissutit (konto 18) qaffanneqassapput.

Tulleriaarinikkut nunaqarfínnut tulluartunik inissialiornerit ingerlannejqassapput aammalu aqqusineqarnikkut pitsangorsaanerit ingerlannejqassallutik. Nunaqarfínni qatserutaasiviit illutaat atortullu ullutsinnut naleqqtinngitsut pitsangorsarneqassapput.

**2022-mut kissaatigisat tigoriikkat**

1. Pisanik pilattarfik puttasullu
2. Aalisartut piniartullu seminareqarnissaat
3. Havnebestyre-qalernissaq nunaqarfíit ilanngullugit
4. Kalaalimineerniarfimmi pisat kg-riikkat pisiassat poortoreeqqasut, kólereq matoqqasooq
5. Toqqarsiviit illuaqqat immamut qanittut
6. Itillimi pinnguartarfik

**Innersuussut**

Aalisarnermut, Piniarnermut Nunaqarfínnullu ataatsimiittitaliamut innersuussutigineqarpoq,

-2022-imut missingersuutinut ukiunullu missiliuuteqarfínnut amerlanerpaamik ingerlatsinermut pingasunikamma sanaartornermut kissaatinik tallimanik kiisalu sipaarutissatut siunnersuutinik arlalinnik toqqaallutik aalajangiissasut

**Aalajangiineq**

2022-mut missingersuutinut kissaatit makkua aajangiunneqarput:

1. Kommunimi tamani aalisartut atugaannut pitsangorsaaneq soorlu tinutititarfeqarnikkut Sisimiuni Maniitsumilu angalatinut anginernut, pequsivit Sisimiuni, pequsivit nunaqarfínni, tulattarfíarnikkut, neqitsersuiviit nunaqarfínni kr. 10.000.000,00
2. Sisimiuni kommunip qaluleriviata allamut nuunneqarnissaata misissorneqarnissaa
3. Nunaqarfínnut ataqtigiiisaakkamik angalasarnissap pilersaarusiornissaa ataatsimiittitaliat allat peqatigalugit



4 . Nunaqarfinni susassaqartitsinermut konto 18-ip qaffanneqarnissaa inuttussuseq aallaavigalugu, Sarfannguit Itilleq 430 t, Atammik Napasoq kr. 430t, Kangerlussuaq 400t, Kangaamiut 400t

5. Nunaqarfinni inissiat sananeqassasut ilaqtariinnut naleqquttut ataatsimik sinittarfillit soorlu Kangaaminiittutut ittunik

**Ilanngussat**

1. 2022-mut missingersuutinut ukiunullu 2023-mit 2025 tikillugu missiliuteqarfiusunut piiffissaliussat
2. Siumut, Inuit Ataqatigiit aamma Atassut tunngaviusumik suleqatigiinnissamiki isumaqatigiissutaat
3. 2022-mut missingersuutitigut siunnersuutit



## **Imm. 03 Suleriaasissatut siunnersuut**

*Journalnr. 01.00.03*

### Tunuliaquaq

Kommunit aqunneqarnerat pillugu Inatsisartut inatsisaat nr. 29, 17. november 2017-meersumi § 26 malillugu kommunalbestyrelsi aammattaaq ataatsimiittitalianik ataavartunik pilersitsisinnaavoq, taakkualu katitigaanissaat suliassaallu aqutsinermut ileqqoreqqusami aalajangersarneqassaaq.

### Maleruagassatigut tunngavissat

Kommunit aqunneqarnerat pillugu Inatsisartut inatsisaat nr. 29, 17. november 2017-meersoq.

### Pissutsit atuuttut

Siunnersuut kommunit aqunneqarnerat pillugu inatsimmut kingullermut naleqqusarlugu iluarsanneqarnikuuvooq. Suleeriaasissami ilaatigut oqaluuserissassanut ilangutassanik ilaasortat qanoq innikkut nassisseriissanersut allaqqavoq aammalu oqaluuserisassat qanoq innikkut ilaasortanut apuunneqareertassanersut.

Suleriaasissaq ataatsmiittitaliamut akuerisassanngorlugu saqqummiunneqartussaavoq, tassanilu ataasiaannarluni suliarineqartussaalluni.

### Allaffeqarfíup naliliinera

Suleriaasissatut siunnersuutip nutaap suliarineqarnissaa ataatsmiittitaliamut akuerineqartussanngorlugu innersuussutigineqassaaq

### **Innersuussut**

Suleriaasissatut siunnersuutip oqaluuserineqareerluni ataatsmiittitaliamit akuersissutigineqassasoq innersuussutigineqarpoq.

### **Aalajangiineq**

Innersuussutigineqartoq akuersissutigineqarpoq.

### **Ilanngussaq**

1. Aalisarnermut Piniarnermut Nunaqarfíillu pillugit Ataatsimiittitaliap suleriaasissaatut siunnersuut



## **Imm. 04 Itillimi Royal Greenland-ip tunisassiorfia pillugu siunnersuut**

*Journalnr. 73.10.02.01*

### Tunuliaqt

Kommunalbestyrelsimi ilaasortap Abel Enoksen-ip (N) siunnersuutigivaa Itillimi tunisassiorfeqarnikkut aaqqiissutissanik takussutissaqartannginnerani tunisisarneq eqqarsaatigalugu aalisarnermut piniarnermut nunaqarfíllu pillugit ataatsumiitilaq kajumissaarusullugu, nunaqarfínni aqutsisut peqatiserissagai Royal Greenland oqaloqatiserineqassasoq.

Siuñertap una imarissagaa innersuussutigalugu oqaluuserisassatut siunnersuutigaara, Royal Greenland Itillimi tunisassiorfia qerigasuartitsiveqalernissaa oqaloqatigiissutaassasoq.

Taamaallilluni siunissami Qeqqata Kommunia aamma aningaasarsiornikkut kaaviaartitsinerulernissaa eqqarsaataalluni.

Qeqqata Kommunia uumap siunnersuutip aningaasaqarneq innarlissanngilaa, taamaallaalli oqaloqatigiinneq nunaqarfínni aqutsisut kiisalu Royal Greenland communalbestyrelse-lu oqaloqatigiinneq ingerlatissallugu.

### Maleruagassatigut tunngavissat

Soqanngilaq

### Pissutsit atuuttut

Atammimmi RG-p tunisassiorfiani atugassamik qeritsivimmik Kommuni pitsisisinnaanersoq pillugu allaqatigiinnerit.

Tassani pineqarloq pisortat aningaasaataat atorlugit suliffeqarfissuarmi kommercial-imik ingerlanneqartumi atugassamik qeritsivimmik kommuni pisisinnaanersoq.

Unammilleqatigiinnerut aqutsisoqarfímmiit allakkami erseqqissarneqarloq pisortat aningaasaataat atorlugit aningaasaliinerit paasineqarpata inatsisinik uniusuusut taamaattoqarpat aningaasaliissutaagaluit utertinneqarnissanik suliamik peqqusisoqarsinnaammatt (påbud) taamaalsoqassappallu tassa aningaasaliisut aningaasaliiffigineqartullu nuanninngitsumik inissittussaasut, taamaammat aningaasaliisoqassatillugu eqqarsaatigilluaqqissaagassaasut .

Itillimi tunisassiorfik pillugu saqqummiussami inassuteqaataavoq Ataatsimiittitaliamit Royal Greenland oqaloqatiginiarneqarsinnaasoq imalunniit allaffigineqarsinnaasoq.

Taamaattoq pitsaaquaasinnaavoq APNA-p ataatsimiinnerani erseqqissassallugu kommuni imaaliallaannaq suliffeqarfínnut aningaasaliisinnaangimmat aatsaallu nalilersorluaqissaagassaasartut inatsisit iluanni aningaasaliinneq pisinnaanersoq. Kommunit suliffeqarfínnut aningaasaliissappata inatsisit minerpaamik marluk malinnejartussaapput ukuusut:

- Kommunit inuussutissarsiutini il.il aningaasaliinermikkut Inatsisartut inatsisaat nr. 23, 18 december 2003-meersoq
- Unammilleqatigiinneq pillugu Inatsisartut inatsisaat nr. 1, 15 december 2014-meersoq

### Allaffeqarfiup naliliinera

Allaffeqarfiup nalilerpaa Royal Greenland-ip ingerlataanut toqqaannartumik Qeqqata Kommunia akuliussinnaanngimmat ataatsimiittitaliap naliliiffigissagaa siunnersuut qanutut ingerlateriaqqinneqassanersoq, pissutigalugu tunisassiorfiit ingerlatsinerannut toqqaannartumik kommuni akuliunneq ajormat.



**Innersuussut**

Allaffeqarfiup APNA-mut inenrsuussutigivaa akuereqqullugu,

1. Ataatsimiittitaliap Royal Greenland oqaloqatiginarneqarsinnaasoq **imalunniit**
2. Suliaq tusaatissatut tiguneqassasoq

**Aalajangiineq**

Immikkoortoq tullissaanut kinguarinneqarpoq siunnersuuteqartoq ataatsimeeqataanngimmat.

**Ilanngussat**

1. Sisimiut aqutsiveqarfiani tunitsivinnut tunisat 2019/2020
2. Unammilleqatigiinneq pillugu Inatsisartut inatsisaat nr. 1, 15 december 20214-meersoq
3. Kommunit inuussutissarsiutini il.il aningaasaliinermikkut Inatsisartut inatsisaat nr. 23, 18 december 2003-meersoq



**Imm. 05      2021-mi tammajuitsussarsiorluni piniarnermut atatillugu helikopterip  
mittarfissaanik qinnuteqaat**

*Journalnr. 72.01.03.00*

**Tunuliaquataq**

2021-mi umimmannik tammajutsussarsiniarluni piniartsitsinermi tupeqarfimmut qulimiguulimmik angalasinnaanermik North sarafi ApS qinnuteqarpoq.

Qeqqata Kommuniani Teknikkimut avatangiisinullu immikkoortortamut

Sapaatip akunneri tullinnguuttuni 33,34,35 aamma 36, 2021 qulimiguulimmik angalluni umimmannik tammajutsussarsiniarluni piniarnissamut North Safari ApS inniminniivigineqarnikuovoq.

Tassunga atatillugu piniarfik 4-mi North Safari ApS tupeqarfimmut qulimiguulimmik angalasinnaanermik qinnuteqarpoq. takuuk nunap assingani ilanngussami titartneqarnera. Tupeqarfimmut qulimiguulimmik angalaffissap GPS-imi sumiiffia, 66°35'09.2"N 51°24'24.7"W. Inatsit atuuttoq malillugu qulimiguulimmik angallassinerit tamarmik ingerlanneqarput.

Ps. Nunaminermik atuisinnaanermut immikkut akuersisummi nr. 7/2018-imi North Safari ApS piniartitsisinnaanera allannguiteqarani 2021-mi ingerlaannassaaq.

**Maleruagassatigut tunngavissaq**

Pilersaarusrusiorluni aamma nunaminertat atorneqarnerat pillugit Inatsisartut inatsisaat nr. 17, 17. november 2010-meersoq

**Pissutsit atuuttut**

Teknikkeqarnermut immikkoortortap suliaq misissorsimavaa ilisimatissutigalugulu pilersaarut nunaminertamik akuersisummiq pisariaqartitsinngitsoq, taamaammat immikkoortortaqrifup qinnuteqaat ajoqutissaqartinngilaa. Suliaq aalisarnermut piniarnermullu siunnersortimut ingerlateqqinnejarsimavoq piniartut tusarniaaffigineqassammata.

**Tusarniaanermiit akissutit**

**Kangaamiuni Aalisartut Piniartullu Peqatigiiffiat KAPP**

Aallaqqaasiullugu tusarniut tupigusuutigeqalugu paasisimasaqanngitsutut kingumut qinnutigimmassuk.

Qinnuteqartoq Angujaartorfiup Nunataani tassalu Qaleriit Akullinnguillu akornanni Narsarartsuarmi tasinnguup avannaatunginnguani inissisimaniarmata.

Ilumoorlunga oqaatigissavara Qaleriit aamma akullinnguaq aasaanerani piliniarluta aaffaraarput. Tassami Napasorsuarmi ikoqqallutik piliniartartut ataanilu atsiortoq tuttunik umimmannillu piniartilluta eqqaasserpalunnigut tusaasarlugit ilami qinnutigineqartumi Narsarartarsuarmi immitsinnut isigisinnasartuta.

Qinnutigineqartorlu Qaleriit Akullinnguillu akornat qoororsuaq qulimiguulimmik nipitoqisumik angallavagineqalerpat uumasui toqqissismajunnaarunik inornarsilluinnassammata sakkortunerpaamik akerliunerput matumuuna tusaqqarput.

Innersuussutigaaralu Qeqqata Kommuniani piniarneq pillugu oktober 2020 isumasioqatigiinnermi piumasarineqartoq tassalu tammajuitsussanik piniartitsineq ingerlanneqartariaqarpat Sermimut qanittumut nuunneqarniarli.

Taama naalisaallunga sakkortuumik akerliunerput paaseqquillugu akivunga.



### KNAPP Napasoq

KNAPP Napasoq-miit isumaqarpugut Helicoptercamp sassipallaartoq. Imaappoq umimmaat sassarnissarluat akornusersusavaa tamaani inissisimaniaruni. Kingunerissavavaa umimmaat tiffaraluttuinnartut umimmannianut inornarsillutik. Tiffasinneruguni piniarnermut ajunnginnerussagaluarpoq.

Ukiut kingullit tusaamavarput umimmaat tiffaseqisut. Pisunnguassanngillat tiffasinnerusumi taamaasiorniarlik, tassani inuussutissarsiorut eqqarsaatigineqarput.

### Kangaamiuni Nunaqarfímmi Aqutsisut

Tusarniaassut nunaqqatigiinniit akerlerineqarpoq Campiuniartoq aavarfímmiímmat. Piniarfiup nalaaniippallaarnera pillugu umimmannut tuttunullu saasarnialersunut akornutaassaqaimmat piffiup qoororsuunera pissutaalluni.

Taamaammat kissaatigaarput qinneteqartoq akuerineqassanngitsoq.

### SAAPP

North Safari Aps-ip qinnuteqaataa 2021-mi umimmannik tammajuitsussanik piniartitsinissamik sap ak. sisamani angujaartorfiup nunataani tassalu akullinnguit qaleriillu akornani narsarartarsuarmi qulimiguulimmik assartuiteqarluni ingerlatissallugugooq, isumaqarpugut tamakkiísumik akerliusaqarluta, tamatuma piliniartarfiunera illersortariaqarparput pinngitsoorsinnaanngimmassuk nunamik tamatuminnga atuisut.

### SAPP

North Safari ApS-p qinnuteqaataa ilaasortanut tusarniareerlugu oqaluuserereerlutigu matumuuna **itigartillugu** nalunaarutigissavarput, ukiakkut ukiukkullu umimmanniartarnermi umimmannut ajoqutaanissa pillugu.

Neriuppugut akissut erseqqissumik akissuteqarfigisimassallugu.

### Sisimiuni Saniatigooralugu Piniarnermik allagartallit Peqatigiiffiat NATTORLINNGUAQ

Nattoralinnguaq qinnuteqaat pillugu imatut isummerpoq . qinnuteqaat akuerinngilarput. Nattoralinnguaq akuersaannginnerminut tunngavilersuutigaa helikopter-mik nunap timaanut aavartarfiup umimmanniartafillu timaatungaanut helikopter-nut mittarfilersuineq tuttut umimmaallu ingerlaarfiannut tulluartuunngitsoq akuerineqarsinnaanngitsorlu.

Ilanngullugu akuersaanginitsinnut tunngaviit ilagaat ukiut kingullit pingartumik Kangaamiuninggaaneersut innutaasut aasaanerani aavarlutilu umimmanniartartut oqariartutaannut akerliulluinnarmat umimmaat tuttullu sassarnissaannut akornutaalluinnassammat.

Ilanngullugu aavartarfiit umimmanniartafillu takornarissaniik tikinneqassagunik innutaasut assigalugit angalasariaqarput Kalaallit pisarnerattut ilungersorlutik nukippassuit atorlugit tiffartertarneq takornariarnerunik allatuulli majortariaqarput.

Nattoralinnguaq-miillu pingartilluinnarparput takornarnialerisut kikkulluunniit Qeqqata Kommunianut nunataa imartaalu pineqartillugu Qeqqata Kommunianut akilerartartuussariaqartut qinnuteqaammi sumut akileraartartuuneq ilaasariaqartoq.

### Kangerlussuarmi Nunaqarfímmi Aqutsisut

North Safari ApS qinnuteqaataa helikopterimik miffiusartussamik tuperluni tammaarsimaffimmik, helikoptercamp-imik, piniarfik 4-imiittussamik ukiaq 2021-imi atasussamik pilersitsinissamini akuerineqarnissaminik qinnuteqaataa Nunaqarfímmi aqutsisut ataatsimiinnerminni ulloq 2. juni 2021 eqqartorsimavaat.



Nunaqarfimmi aqutsisut tamarmiullutik aaliangiuppaat tusarniut akuerissallugu, piniariartartut piffimmi tassani akuersissappata, kisiannili tusarniut akuerinagu, piniariarlutik atuisut akuersinngippata.

#### Piniarnermut nakkutilliisut

Kangerlussuarmi angalaqatigisartagara Morten Lyberth-ilu tamanna eqqartorparput.

Thomas Olsens-ip lejr-eqarfisartagaas Angujaartorfiup kujataani , Qamaninnguit tasiata kangimut isuani, assut ukiuni kingullerni Angujaartorfimmit piniartunut ajoqtaasarsimavoq, umimmaat tamaana sassarumajunnarmata.

Maannalu qinnutigisimasa Kangilinaap , Innajuattullu akunneranni (napasorsuup kitaani), tupeqarfissani mittarfittalerlugu, aamma suli akornutaanerussagatinnarpoq, tassami tamaana aamma Angujartorfiup tungaanut umimmaat ingerlaatarput, tasamanngalu iluaqtaasarlutik, aammalu qinnutigisaata kitaani qoorortaq kimmut avannamut sangujartortup ataaniit ( Qattissuarsunniit "Salliarssuaq ") tamanna assuut umimmanniarfiusarpoq, aamma taakku akorniserluinnassavai, tassami tamaana uumasut ammukaaniartut Innajuattup qaavaniit qulimiguulimmiit akornuserluinnarneqalissapput.

Taamaammat qinnutigisaq uaguttinniit isigalugu – **isumaqatiginanngilluinnarpoq.**

#### Allaffeqarfíup naliliinera

Tusarniummut akissutigineqartut namminneq oqaluttuarput, tassa kikkunnit tamanit innersuussutigineqaarpoq qinnuteqaat itigartitsissutigineqassasoq tunngavilersuutigineqartut naapertorlugit.

#### **Innersuussut**

Aalisarnermut Piniarnermut Nunaqarfíillu pillugit ataatsimiittitaliamut innersuussutigineqaarpoq akuersissutigeqqullugu,

- 2021-mi tammajuitsussarsiorluni piniarnermut atatillugu helikopterip mittarfissaanik qinnuteqaat itigartitsissutigineqassasoq, suliarlu kommunalbestyrelsimit aalajangigassanngorlugu ingerlateeqqinnejqassaq

#### **Aalajangiineq**

Ataatsimiittitaliamit sakkortunerpaamik qinnuteqaat itigartitsissutigineqaarpoq. Suliaq naalakkersuisoqarfimmut nassiuunneqarnikuovoq qinnuteqaatip itigartitsissutigineqarnissaa inatsisisitugut tunngavissa paasiniarlugu.

#### **Ilanngussat**

1. Pileraarusrusiorluni aamma nunaminertat atorneqarnerat pillugit Inatsisartut inatsisaat nr. 17, 17. november 2010-meersoq
2. Tusarniaanermiit akissutit



**Imm. 06 Paasissutissiissut – siulittaasup tusagassiutinut nalunaarutaa**

*Journal nr. 72.01.00*

**Tunuliaquaq**

Ataatsimiititaliami siulittaasoq tusagassiutinut imatut nalunaaruteqarnikuuvooq:

**SAARULLEQARLUARALUARTOQ TUNISINIARTARNEQ SIVISUALLAARPOQ.SULISUSS  
AALEQISOQARPOQ SULISULLU INISSAAT MANIITSUMI AMIGAATIGINEQARPUT**

**SAARULLEQARLUARPOQ**

Ullumikkut 21 Maj 2021

Qeqqata Komuuniani uumatitsivissorluni saarullinniarneq ingerlalluarpoq. Taamaakkaluartoq aalisa rtut tunisiniartarnerminni sivisuallaamik utaqqisinneqartarput.

Saarullimmit tunisassiaq Nutaaq-

mik taallugu Maniitsumi ukiut arlalinngortuni tunisassiarineqarpoq. Pitsaalluinnartutut nalilerneqar nikuulluni.

Umiarsuaq saarullinnik uumasunik aallertartoq "Maniitsoq" uumatitsivinni 150 missaaniittunit saaru llinnik uumasunik aalisartut pisaannik aallertarpoq avannaani Kangaatsiap eqqaaniik kujammut Qeq ertarsuatsiaat angullugit.

**TUNISINIARTARNEQ SIVISUALLAARPOQ**

Siorna taamaasinerani 600 tons saarulliit uumatitsivinniittut aaneqarnissaminnut utaqqisuutigineqar put. Ullumikkullu 21 maj

2.000 tons missaani aaneqarnissaminnut utaqqisuutigineqarlutik. Saarulliit uumatitsiviit 100-t missaanniittut umiarsuuup "Maniitsoq"-p aasassaralugit. Umiarsuullu "Maniitsoq"-p pisinnaasaa aallaavagineqassappat aallerneremi ataatsimi uumatitsiviit pingasut imaluunniit sisamat 60 / 70

tons missaani taamaallaat imaerneqarsinnaapput. Qulaanilu aalisartut nalunaarsortut tulleriaarnerm ikkut qaammat ataaseq affarlu imalluunniit qaammatit marluk tungaanut tunisinissaminnut assigiinn gitsut peqqutaallutik utaqqisuussanngorlutik. Taanna aarlerinartoqarpoq. Aalisartut siornatigut misigi sartagaat eqqarsaatigalugit silap immallu qanoq issusaa apeqqutaalluni sivisuallaamik utaqqineremi a alisartut tunisassaraluatik annaasinnaasarpaat, saarullinnik toqorartoorneq peqqutaalluni.

**SULISUSSAALEQISOQARPOQ**

Maniitsumi Majoriaq-

mi suliffissaaleqisutut nalunaarsorsimasut ikinneri peqqutaallutik aalisakkanik suliffissuarmi sulisus sanik amigaateqartoqarpoq. Siorna april qaammataani 165-nik Maniitsumi suliffissaaleqisoqarpoq maannakkullu ukioq ataaseq qaangiunnerani 75-sit suliffisaaleqisutut nalunaarsimapput. Kingullermik naqtsisoqarmat arfiniliinnaat sulisinnaasutut piareersimasut nalunaarsorneqarsimallutik. Ukiut kingulliit eqqarsaatigalugit Majoriaq-mi suliffissaaleqisutut nalunaarsorsimasut ikittarneri peqqutaallutik innersuussassaarutarnerat pilers imalluni.

Aamma fabrikkimi sulisut aalajaatsuunissaat pingaaruteqarluinnarpoq aalisartut utaqqvallaaratik tu nioraassappata. Qujanartumik ukiuni kingullerni suliffissuarmi tunisassiornermi nunami allamiut, ki neserit, assorujussuaq iluaqutaapput aalajaallutik sulinermikkut suliffissuarmi tunisassiorneq ingerla sinnaaqqullugu suleqataasarmata. Puiussanngilagullu nunaqavissut aamma ilungersorlutik tamaviaa rlutik suleqataasut Royal Greenland-ip

Maniitsumi saarullinnik tunisassiornerani suliassaqarfílluartumi. Fabrikkip tunisassiornermini sul



isunik pisariaqartitanik amigaateqartarneranik qaangiissagaanni nunaqavissut kivitseqataanissaat pi ngaarutilerujussuovoq.

**INISSAALEQISOQARPOQ**

Ukiuni kingullerni annermik Qeqqata Kommuniata piginneqatigiilluni inissialornernut tapiisarnerm igut innuttaasunut periarfissiilluartarnikuovoq. Taamaakkaluartoq siornatigut inissiat isatikkat inueru tsinnikullu Namminmersorlutik Oqartussat pigisaat isatigassaagaluit uninngaannalernikut illoqarfí mmi innuttaasut inissarsiorniarnerinut annertuumik sunniuteqarput. Namminersorlutik Oqartussat pi ffissami sivitsortumi Maniitsumi inissialornikuunngillat aamma inissiat isatikkat inuerutsinnikullu t aartissaannik. Ivissuateralaani inissiat naatsorsuutaagluanit ilaannakortumik sanaartorneq peqqutaaqataalluni.

Oqartariaqarpunga Qeqqata Kommuniata ukiuni kingullerni arlalinni kisimiilluni Maniitsumi inissia liorneq ingerlannikuvaa. Kisimilu tamanna nammassinnaanngimmagu Namminersorlutik Oqartuss at inissialornissaat pisariaqartsinnejartujussuaq takuneqarsinnaavoq.

Taamaammat piffissaanngorpoq Namminersorlutik Oqartussat Maniitsumi inissialornissaat tamann a Maniitsumi innuttaasunik pitsasumik ullutsinnullu naleqquttumik atugassaqartitsineq piinnarnag u aammali tunnisassiornermi sulisussaqarnikkut inissiat atorfissaqartineqarluinnarmata.

**Innersuussut**

Aalisarnermut Piniarnermut Nunaqarfíillu pillugit Ataatsimiittitaliamut paasissutissiissutigineqarpoq.

**Aalajangiineq**

Tusaatissatut tiguneqarpoq.

**Ilanngussat**

Soqanngilaq



**Imm. 7 Tamalaat**

Anna Karen Hoffmann apeqqutigivaa Sisimiuni saarullinnik uumatitsivinnut tunngatillugu kommunimiit naapinneqarsimanersut. Apeqqutaanut siulittaasoq akissuteqarpoq nassuaateqarlunilu ilaatigut kilisaat Sisimiut ikuukkiartulersoq uumatitsiviit imaartarnissaannut.

Juliane Enoksen ilisimatitsissutigivaa uumatitsivillet Sisimiut eqqaani toqorartooqqasut sumilli peqquteqarnersoq nalunarluni.

Ataatsimiinneq naammassivoq nal. 10:40

